

Уборочнай кампанияти анокламаса и сельскохозяйственной продуктань анокламати эса комсомольской организациятнень задачаснон колга

ВЛКСМ-нь Мордовский Обкомть VI-це пленумонц постановленияц

Максеем башка важностень значения урожаень убирать нюрхьяне пингста и имафксфтома йотафтоманцы и сельскохозяйственной продуктань заготовкатненьди, ВЛКСМ-нь Мордовский Обкомть пленумонц постановляет:

1. Мяргомс ВЛКСМ-нь сембе райкомтненьди вишконтес комсомолецнень, аф союзнай од ломатнень и колхозникнень йоткса „Сельскохозяйственной продуктань заготовкань и рамамань политикать эса изменениятнень колга“ СССР-нь СНК-ть и ВКП(б)-нь ЦК-ть и „Тундань видеать итогонзон, и уборочнай кампанияти анокламань задачатнень, и сельскохозяйственной продуктань заготовкатнень колга“ ВКП(б)-нь Мордовский Обкомть III-це пленумонц постановленияснон разъясненияснон, сатнемок комсомолецнень и аф союзнай сембе од ломатнень активнай участияснон нят важнейшай постановлениятнень реализовандамаса.

2. Обязать ВЛКСМ-нь райкомтнень, колхознай, совхознай и МТС-нь первичнай комсомольской организациятнень:

а) организовандам сембе комсомолецнень и аф союзнай од ломатнень яровой сьоронь кочкомать курукста аделаманцы, сору тишетнень и сельскохозяйственной культурань сембе вредительхнень каршес тюремать;

б) цебарьгофтомс од ломаттнень работаснон дорожной строительстваса, тиесм порядка сембе профилированнай и проселочнай китненьди, шарфтомс башка мяль заготовительнай пункттненьди и элеваторхненьди моли подъездтнень петемаснон лангс;

в) сембе колхознень, совхознень и МТС-нь эса организовандам комсомольско-молодежной контрольной постт, конатнень задачасна ащи: уборочнай инвентарть петеманц проверкац и сонь ванфтомац, конскый сбруаса колхозть обеспеченностень состоянияз, перевозочнай средстватнень и таратнень бригадава яьомасна, бригадатнень и звенатнень уборканди производственной планонь наличияснон проверкасна, колхозникнень йоткса синь обсуждениясна, алашань поголовиять кирьдеманц проверкац, урожайть урядаманцы анокламаса и сельскохозяйственной продуктань заготовкань йотафтомаса колхозненьди, совхозненьди и МТС-ди практический лезксонь максамась;

г) вятемс решительнай тюрема зернань потерятнень каршес, ладямс контроль урожайнь урядамать качествац мельге, эрь жаткать и лобогрейкать обеспечиндам зерноуловительса, организовандам перекрестнайста колосонь кочкомать коннай и ручной грабляса;

д) максомс практический лезкс земельнай органтненьди сембе уборочнай машинатнень механизаторский кадраса обеспечиндамань тевса, колхознень видеаса жаткань и лобогрейкань водителень кратко-

срочнай курсонь организовандамаса, мрдафтомс работамаспециальность коря сембе комсомолецнень-комбайнерхнень, трактористтнень и трактористкатнень, конат работайхть лия работаса, стирятнень трактористкатнень, конат аноклафт производстваста апак аердт, кемокстамс трактор мельге и максомс теест эрявикс культурно-бытовой условия;

е) тонафнема кизоть ушедомда инголе колхознай работатнень эса келиста использовандамс пионерхнень и школьникнень, особенна силосованиянь работаса, веточнай кормань и черянь анокламаса, тишенъ урядамаса, урожайть ванфтомаса, колосонь кочкамаса и стак тов.

3. Отмечандамок лама районга комсомолецнень и од ломаттнень йоткса социалистический соревнованиять аф удовлетворительнайста келептеманц, пленумсь обязывает сембе райкомтнень и первичнай комсомольской организациятнень вишконтес социалистический соревнованиять комсомолецнень и од ломаттнень йоткса, комсомольско-молодежной звенатнень йоткса урожайть нюрхьяне пингста урядамаса и сельхозпродуктань аноклама тевса, штоба 1941 кизоня ламода сяда касфтомс ВСХВ-нь участникнень лувкснон.

Организовандам колхозу стахановский школат, коса эряви обобщать и популяризировать велень хозяйствань лучшей стахановецнень, ВСХВ-са участникнень опытснон, привлекандамок нят школатненьди руководителъкс велень хозяйствань специалисттнень.

4. Отмечандамок, што комсомольский руководящий работникнень ламошкасна лафчеста содазь современной сельскохозяйственной машинатнень, пленумсь обязывает ВЛКСМ-нь райкомтнень организовандам тракторонь и лия сложнай сельскохозяйственной машинань тонафнемать райкомонь руководящий работникнень и комсомольский активть йоткса.

5. Отмечандамок, што общественнай животноводствать касфтомаса лама районга комсомольской организациятнень ВЛКСМ-нь Обкомть V-це пленумонц решениязон аф удовлетворительнайста пяхкодемаснон, ВЛКСМ-нь Обкомть пленумонц обязывает райкомтнень, колхозонь и совхозонь комсомольской организациятнень сьавомс эсь кядезост прочнай кормовой базань тиесаса тевть, мобилизовандам комсомолецнень и сембе одломаттнень тишенъ урядамать эсь пингстонза йотафтоманцы, лядемс сембе тишетнень, конат касыхть межатнень и китнень лангса, обеспечиндамс жуватань поголовиять сочнай и грубай кормаса.

Смоленский областень „Сычевка“ и Немцев-Поволжья республикань Штейнгардский колхознень эса комсомолецнень примерснон коряс развернуть социалистический соревнованиять 1940 кизоня эрь фуражной тракти 3 тоннат

силосонь анокламати инкса, использовандамс силосонди дикорастущай нархнень, модамарь нетькснень и перень отхоттнень, а тяфтажа вишконтес работать веточнай кормань анокламати коряс.

6. Отмечандамок лама колхозга велень интеллигенциять агитационно-массовой работаса слабай участияц, пленумсь мярьгонди ВЛКСМ-нь райкомтненьди и первичнай комсомольской организациятненьди сяда пях привлечь велень интеллигенциять агитационно-массовой работань вятемати, цебарьгофтомс колхознень эса агитационно-массовой работать, новлямс стенгазетат, йотафнемс паксыса бригадава беседат и докладт, цебарьгофтомс комсомолецнень-агитаторхнень работаснон, тиесм культурнай порядка полевой статтнень и тракторнай будкатнень эса, живолгофтомс „заготзернонь“ пункттнень видеаса краснай уголкнень работаснон, обеспечить синь государствати сьоронь максомань эрявикс культ-инвентарьса и литератураса.

7. Отмечандамок, што республикаса МТС-нь ламошкаснон усадьбасна ащихть аф культурнай состоянияс, Обкомть пленумонц мярьгонди ВЛКСМ-нь райкомтненьди и МТС-нь комсомольской организациятненьди МТС-нь усадьбатнень вятемс культурнай состоянияс, озафнемс тоза шуфтонят, плодовой шуфтт, тиесм клумбат, кочкамс металломть и тиесм порядка машинатнень ванфтомса и стак тов.

8. Отмечандамок лама районга водоемонь тиесаса комсомольской организациятнень аф удовлетворительнай работаснон, ВЛКСМ-нь Обкомть пленумонц обязывает сембе колхознай комсомольской организациятнень пяхкодемс ВЛКСМ-нь ЦК-ть XI-це пленумонц эрь колхозса водоемонь тиесать колга решенияц.

9. Пленумсь мярьгонди колхознай, совхознай и МТС-нь комсомольской организациятненьди обсудить тя постановлениять открытай комсомольской собранияса и наметить практический мероприятия сонь пяхкодеманц колга.

ВЛКСМ-нь Обкомть пленумонц шарфни сембе комсомольской организациятнень башка мяльснон сянди, штоба воспитать эрь комсомолецтнень, эрь аф союзнай одломанти велень хозяйствати кельгомань чувстват и прививает сембе комсомолецнень и аф союзнай одломаттнень возглавить урожайть урядаманцы сембе анокламань работатнень курукста аделамаснон, урожайть нюрхьяня пингста и имафксфтома урядаманц инкса, колхознень государствать инголе обязательстваснон срукта инголе пяхкодемаснон инкса социалистический соревнованиять.

ВЛКСМ-нь Мордовский Обкомть секретарец СОЛОВЬЕВ.

Займати сьорматфтомавь

3.-Поляна

Июль ковть 1-це шистонза 500 лама ломань пуромсть райцентрань клубти митингс.

Гришунин ялгась, выступандамок лесосплавонь рабочей коллективть эзда, азозе:

— Минь приветствуем СССР-нь СНК-ть постановленияц од займать нолдаманц колга и максаськ социалистический государствать кемокстаманцы аф колма неделань, а фкя ковань зарплатаньконь. Митингта меле активнайста ушедсь подпискась.

Торбеева

Июль васень шистонза Торбеевань рабочайхне, колхозникне и служащайхне кульсть радостнай куля—государственный од займать нолдаманц колга. Тяка жа шиня сембе предприятияне и учрежденияне йотафтсть митинкт, коса присутствующайхне приветствовандазь правительствать мудрай решенияц. Синь эздост ламотне государствати максозь пандомда месячной окладснон. Тумаевсь и лиятне макссть окладта лама.

Июль васень шистонза Торбеевань трудяйхне государствати макссть пандомда 209780 цалковай.

Ковылкина

Од займать нолдаманц колга кулясь Ковылкинань районга трудяйхнень мархта васьфтьф оцю под'емса.

Июль ковть 1-це шистонза радиотъ вельде сообщениять кулцондомда меле, од займать четьсь йотафтфт митингт. Кочелаева велень колхозникне и служащайхне сьорматфтсть 15000 цалковайс. Райпотребсоюзонь рабочайхне и служащайхне подпискаса сатфт сяда процентс—9500 цалковайнь питнес, а Ковылкинский сельпотъ работниконза максть государствати долкс 11000 цалковай.

Максеме государствати цебарь тише

Ковылкина. Русско-Лашманский велень советонь „Строитель“ колхозсь (председательс Дрянсовсь) ащи передовой колхозкс района. Сон кунаркиге пандозе тишенъ заданияцн государствати.

Кода и йотай кизоть лаца „Строитель“ колхозсь государствати макссь 116 центнер цебарь тише эсь заливной луганзон эзда.

А. Абакумова.

Лядихть тише

Сире-Синдровань райононь „Старый большевик“ колхозса цебарьста организовандаф тишенъ урядамась. С. А. Буйнов ялгась эсь звенанц мархта шиньберьф работань нормаснон пяхкотькшнесазь кафта сядт процентти модемс.

Лядихне, комсомолецне И. Ф. Невкин, А. И. Буйнов ялгатне 0,30 гектар нормать вастс лядендихть 0,60 и 0,65 гектар.

И. Горский.

Прополкась йотни успешнайста

Мокша-Ювня велень „18 партс'езд“ колхоза успешнайста йотни прополочной кампаниясь. Рабочай вийсь организовандаф. Тяся организовандаф 16 звена, конат соревновандайхть эсь йотковаст. Эсь обязательстванзон велёф пшкотькшнесыне Кабаеват звена. Сонь звенац членонза нормаснон пшкотькшнесазь 150 процентс.

Кочкихненъ йоткса лац ладяф культурно-массовой работась. Агитаторсь Ратниковсь эрь шиняякай паксая, коса сон лувонды газетат и йотафни беседат международнай положениать колга.

Г. Немов.

Торбеевский район.

Рубцов кузнець и сонь подсобникоц

Николаевка велень Чкаловть лемса колхозонь кузнець Рубцов Иван Петровичь и сонь подсобникоц Сурьминць примосихть оцю участия колхозть эряфонь кизефксонза. Нят ялгатне тундань видемати успешнайста анокламангса ульсть казёфт. Тяда меле синь пугнезь сембе вийснон, штоба тядонга лац анокламс тишень и од урожайнь урядамат.

Рубцовть, Сурьминць успешнай работаснон и тейст Чернышев, Ляличкин, Лизин плотникненъ лезкснон вельде колхозсь уборочнай анокламанц аделазе. Лобогрейкатне, тележкатне, рыдватне и лия сельхозмашинатне ульсть ремонтса.

А. Ирсьетский.

Саранский район.

Популяризовать передовикненъ опытнон

Мокша Масканя велеса „XVIII партс'езд“ колхоза колхозникне М. Кудашкин, Ф. С. Кудашкин, И. Н. Кудашкин ялгатне лувондовихть инь почетнай ломанькс. Тя почетть нят ялгатне завоевали эсь честнай и добросовестнай трудснон вельде. Синь систематически вельф пшкотькшнесазь работань эсь нормаснон. Тя колма патриотне тани работайхть назем усксемаса, коса 15 усф нормат васте усксихть 25 усф.

Колхознай правлениати эряви популяризовать нят ялгатненъ опытнон.

В. Мирышкин.

Ст.-Синдровский район.

Советский Союзонь государственнай займатне

Кизода-кизос касы СССР-ть государственнай бюджетонц об'еомц. 1938 кизоня государственнай бюджетсь доходонь коряс ульсь пшкотьк 127,5 миллиартт цалковайс, а 1939-це кизоня—155,9 миллиартт цалковайс. 1940 кизонь государственнай бюджетсь кемокстаф пцтай 184 миллиартт цалковайнь суммас.

Советский Союзть бюджетонц доходнай пшкотьк базакс ащи социалистический хозяйствать накопленияза, конат составляют пцтай 90 процент бюджетть доходонзон эзда.

Советский дохоттненъ система-са оцю рольсна государственнай займатненъ. Советский займатне пользуются народной массатненъ йоткса оцю популярностьса. Синь успешна няевсь и фалу няевдеви социалистический хозяйствать апак лотксек касоманц и трудящайхненъ благосостояниаснон фа-

Комсомольский ЭРЯФСЬ

Комсомолецть важнейшай обязанностец

ВЛКСМ-ть уставоц определяет, што комсомольский членский взно-сонь пандомась — комсомолецти фкия условия, конанц мархта сон воспитандакшнесы эсь принц дисциплинати и организованности. Но аф тяфта пшкотькшнесазь ВЛКСМ-ть уставонц требования-зон комсомольский организациянь кой-кона секретарьхне и комсомолецне.

Торбеевский райононь Аксенов-ка велень комсомольский организациять секретарец Дейкинась комсомолецненъ кядьста членский взнос ашезь кочка январь ковста сязомок. Хилковский МТС-са комсомольский организациять секретарец Лосевсь ашезь кочка членский взнос 4 ковонокса. Вязовкань первичнай комсомольский организациять секретарец Девятайкинец членский взнос тяфтажа ашезь кочка 1940 кизонь январьста сязомок.

Нинге улихть стама комсомо-

лецт, конат кяшендсазь эсь фактический заработкаснон комсомольский организациять эзда. Хилковский аф полнай средний школань комсомольский организациять секретарец Романовскаясь 460 цалковайть васте членский взнос пандсь 400 цалковайнкса. Тат.-Юнскый НСШ-нь комсомольский организациять секретарец Агишевась 71 цалковай 20 трешник должен пандомс эсь заработканц коряс. Мзырда Агисевать Торбеевань ВЛКСМ-нь райкомсь терде-е бюрос, то сон, эста отказакшнесь, тарксесь всякай причинат членский взносонь аф аккуратнайста пандомать инкса.

Членский взносонь пандомати большевистский порядкань ладямась нинге сядонга вяри кеподсы Ленинско-Сталинский комсомолть боееспособностенц, сонь рядонзон эса тии железнай сознательнай дисциплина и организованность.

Краснов.



Саранский райононь Ворошиловть лемса колхоза вишкотьф работась водоемонь тиемаса.

СНИМКАСА: Ворошиловть лемса колхозонь колхозникне (кяржи ширде види шири) Е. И. Ивенинась, П. М. Бекусовась и В. В. Корочковсь.

Фотось А. Ивановть.

цалковайнь питнес, нльне подпискась 1 миллиард 637 миллиотт цалковойда йотась правительствать ширде нолдаф суммать вельф.

Минь займаньке кандыхть оцю дохотт и подписчикнендиге. 1940 кизонь январь 1-це шинцты займодержательхненди пантф гос-займань коряс доходта кота миллиардть 451 миллиотт цалковай. Аньцек 1939-це кизоняна-селениясь получась 457 миллиотт цалковай доход займатненъ эзда.

1940 кизоня должен поступить займать эзда 8 миллиартт 665 миллиотт цалковай.

Мордовский АССР-ть бюджетонзонза займаста отчислениясь определенной МАССР-нь Верховнай Советть IV-це Сессиясонза 7.760 тьожань цалковайнь суммаса, или 4.992 тьожань цалковайда сяда лама, чем 1939-це кизоня.

М. Созинов.

РСФСР-нь Госкредитонь и Госсберкасань Управлениать старшай инструктороц.

Обсуждают ВЛКСМ-нь ЦК-ть XI-це пленумонц материалонзон

Ельниковский райононь первичнай комсомольский организациятне кеместа обсуждают эсь собраниясь ВЛКСМ-нь ЦК-ть XI-це пленумонц водоемонь тиемать колга материалонзон и эсь решенияснон мархта выступают общеколхознай и комсомольский собраниятненъ инголе. Комсомолецненъ инициативаснон коряс, районца строяхть 6 од прутт, урядайхть 4 ташта прутт и 6 плотинат. 14 колхоз решили тядде добувамс яксырт и мацхть. „Красная поляна“ колхозса прудясть оцю прудь и нолдасть эзонза зеркальной карп калхт. Прудть прудямаса эрь шиня активной участия примосеть 4 комсомолецт. Тяфта жа тисть плотина Каньгушса конань тиемаса участвовандасть комсомолецт. 9 комсомолецт эрь шиня работайхть прудть прудямаса Ельниковский велень советонь Кировть лемса колхозса, коза прудямда меле колхозсь арьси нолдамс зеркальной карп калхт.

Бирюков.

Ельниковский район.

Английский флотть мархта Французский кораблятненъ атакаснон колга французский правительствать сообщенияц

Французский правительствась, конац ащи Клермон—Ферранца, опубликовал официальной сообщения, коса корхтави, што июльть 3-це шистонза английский военнай оцю вийхне, конат састь Севернай моряста, эвондасть Мерс Эль Кебир бухтав, конац ащи Оранати (Алжирса) морской базакс. Тяся, перемириять колга соглашениять коряс французский флотонь кой-конат корабльхне, кода—„Дюнкерк“ и „Страсбург“ линкорхне ащихть рейдса.

Английский адмиралсь мярьксь французский эскадрань команду-ющайти Денсуль вице-адмиралти сдаться или ваяфтомс французский корабльхненъ. Английский адмиралсь ответонди кадсь 6 частт. Но, афи учемок тя пингть аделаламанца, английский военнай гидросамолеттне минировандазь рейдть магнитнай минаса. Сяда меле, кода французский адмиралсь отказась подчиниться, английский флотсь кармась ляцендема французский военнай кораблятненъ лангс.

Французский правительствась морской флотонь частьтненди, конат ащихть английский корабльхненъ эзда аф ичкозе Александрийский портса, макссь распоряжения курокста валгомс якорьста и, кда эряви, применить вийть. Тяда башка французский адмиралтействась французский военнай сембе кораблятнеди, конат ащихть открытай моряса, макссь приказ, од атакатненъ каршес отвечакшнемс толса.

Германиясь разрешил французский правительствати взорвать французский корабльхненъ, кда синь не могут противостоят английской флотти. Тянь кодыма решения примась итальянский правительстваске.

(ТАСС).

Ответ. редакторть заместителец И. ЧУДАЙКИН.